



Broj: 04-40-1-321/21
Sarajevo, 18.11.2021. godine

Na osnovu dobijenih i obrađenih informacija od: općinskih operativnih centara civilne zaštite, Federalnog hidrometeorološkog zavoda, JU Zavoda za hitnu medicinsku pomoć Kantona Sarajevo, JU Zavod za javno zdravstvo Kantona Sarajevo, MUP-a Kantona Sarajevo, BIHAMK-a i drugih struktura zaštite i spašavanja formiranih na području Kantona Sarajevo, dojava građana, a u skladu sa članom 152. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10) i čl. 14., 17. i 19. Pravilnika o organizovanju i funkcionisanju operativnih centara civilne zaštite („Službene novine Federacije BiH“, broj 9/19) dostavljamo Vam:

REDOVNI IZVJEŠTAJ
za period od 08:30 sati 17.11.2021. do 08:30 sati 18.11.2021. godine

Štaba civilne zaštite Kantona Sarajevo (u daljnjem tekstu: Štab) je u skladu sa ovlaštenjima koje ima prema Zakonu o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03, 22/06 i 43/10), Zakonu o nadležnostima organa vlasti Kantona Sarajevo u oblasti zaštite i spašavanja ljudi i materijalnih dobara od prirodnih i drugih nesreća („Službene novine Kantona Sarajevo“, br. 39/08, 19/11, 45/15 i 33/21), Pravilniku o načinu rada i funkcioniranju štabova i povjerenika civilne zaštite („Službene novine Federacije BiH“, br. 77/06, 5/07 i 32/14) i drugim važećim propisima, kao i Odlukom Vlade Kantona Sarajevo o proglašenju stanja prirodne nesreće od poplava na području Kantona Sarajevo, broj: 02-04-40698-1/21 od 08.11.2021. godine, u izvještajnom periodu preduzeo slijedeće mjere i aktivnosti na otklanjanju i saniranju posljedica od poplava na ugroženom području:

- Štab je u cilju sprječavanja urušavanja pješačkog mosta na rijeci Željeznici između ulica Mala aleja i Hrasnička cesta, angažovao Službu za zaštitu, spašavanje iz ruševina i raščišćavanje terena formiranu u okviru pravnog lica Bosman d.o.o. Sarajevo, čije su pripadnici u toku dana radili na betoniranju novog stuba (završen veći dio, ostalo 50 cm da se betonira). Za danas se planira dizanje mosta sa specijalnom dizalicom i betoniranje preostalog dijela novog stuba mosta, a nakon toga spuštanje mosta s dizalicom čime će biti okončani radovi na mostu.



- Ekipe Službe za epidemiologiju, mikrobiologiju i zaštitu i unapređenje životne sredine koja je formirana u Zavodu za javno zdravstvo Kantona Sarajevo, danas su prema unaprijed dogovorenom planu i dostavljenom spisku poplavljenih individualnih stambenih objekata od strane Općinske službe civilne zaštite Novi Grad obišle teren općine Novi Grad, te odradila dezinfekciju i deratizaciju kuća koje su bile na spisku, ali koje su bile očišćene i pripremljene za dezinfekciju. U ul. Rajlovačka cesta izvršena je preventivna dezinfekcija 10 individualnih stambenih objekata, na pet adresa, u momentu dolaska, nije bio prisutan vlasnik, a četiri individualna stambena objekta nisu bila mehanički očišćena i nisu bila spremna za dezinfekciju. Dezinfekcija preostalih individualnih stambenih objekata, koji nisu bili mehanički očišćeni, dogovorena je za početak naredne sedmice.
Uzorkovanje vode od strane Odjela za komunalnu higijenu i sanitarnu tehniku danas nije izvršeno, čekaju se rezultati analize uzoraka od prethodnih dana.
- Služba zaštite i spašavanja Kantona Sarajevo formirana u KJKP Vodovod i kanalizacija d.o.o. Sarajevo sa ljudstvom i mehanizacijom je u toku dana bila angažovana na čišćenju pristupnog puta u ul. Sastavci, Općina Ilidža.
- KJKP Rad je sa ljudstvom i mehanizacijom danas bio angažovano na prikupljanju i odvozu kabastog i drugog otpada na području Općina Ilidža u naselju Pejton i na području Općine Novi Grad u naselju Rajlovac (angažovana su bila tri grejfera, dva kamiona troosovinca i jedan utovarivača).

Općina Ilidža

U toku jučerašnjeg dana, nastavljeni su radovi na saniranju korita rijeka, čišćenju i dezinfekciju individualnih stambenih objekata, na podjeli paketa hrane, vode i drugih potrepština stanovništvu na ugroženom području.. Također, su nastavljeni radovi na sanaciji oštećenog pješačkog pješačkog mosta.

Komisije za procjenu šteta Općine Ilidža, na osnovu zaprimljenih zahtjeva, vrše obilazak terena i procjenjuje štete. Ukupno je do sada zaprimljeno 318 zahtjeva od pravnih i fizičkih lica za procjenu šteta.

Općina Vogošća

U izvještajnom periodu izvršen je obilazak ugroženog terena i konstatovano je da se stanje popravlja u odnosu na prethodni izvještaj.

Povjerenici civilne zaštite su u toku jučerašnjeg dana nastavili sa punjenjem vreća sa pijeskom koje će podijeliti građanima u slučaju opasnosti od novih poplava.

Komisija za procjenu šteta radila je na terenu prema prijavama građana općine Vogošća koji su pretrpjeli štete usljed poplava.

Općina Ilijaš

Na osnovu Odluke o proglašenju stanja prirodne i druge nesreće na području općine Ilijaš, broj 08/40-2443/21 dana 06.11.2021.god., a u cilju otklanjanja posljedica prirodne nesreće angažovana su slijedeća sredstva ; dva skipa, jedan CAT 308 i tri kamiona.

Na terenu su mašine radile na čišćenju nanosa blata i smeća nu naselju Luka MZ Luka (stadion) i Ribarići i preventivnoj sanaciji klizišta i ptopusta na putu Sokolina-Žorci, MZ Srednje.



Od Općinskih službi civilne zaštite Novi Grad i Trnovo smo obavješteni da su njihove organizovane strukture civile zaštite u toku jučerašnjeg dana bile angažovane na otklanjanju i saniranju posljedica od poplava na ugroženim područjima.

Kantonalna uprava civilne zaštite Kantona Sarajevo: Pripadnici Profesionalne vatrogasne jedinice Kantonalne uprave civilne zaštite Kantona Sarajevo u izvještajnom periodu imali su četiri manje intervencije i to: tri na gašenju zapaljenog smeća u kontejnerima i jednu na gašenju zapaljene šupe.

Elektro distribucija Sarajevo: Snabdijevanje potrošača električnom energijom na području Kantona Sarajevo je uredno, osim pojedinih područja koja su bila planski isključena zbog izvođenja neophodnih radova na održavanju energetskih postrojenja.

KJKP Sarajevogas: Svi potrošači u Kantonu Sarajevo su uredno snabdjeveni prirodnim gasom.

KJKP Vodovod i kanalizacija: Vodosnabdijevanje u Kantonu Sarajevo je uredno, osim u dijelovima pojedinih naselja gdje se vrše planske popravke kvarova na vodovodnoj mreži.

Federalni hidrometeorološki zavod: Jutros u 08:00 sati temperatura u Sarajevu na mjernoj stanici Bjelave je iznosila 6°C, vlažnost zraka 96%, barometarski pritisak 948,6 hPa.

BIHAMK: Saobraćaj se na području Kantonu Sarajevo odvija uredno, osim na dionicama gdje se izvode planirani radovi na kojima se saobraćaj odvija po posebnom režimu.

Prema informacijama prikupljenih od dežurnih dispečera i informativnih službi **KJKP GRAS, Centrotrans – Eurolines d.d. i JP Željeznice Federacije BiH**, gradski, međugradski i željeznički saobraćaj se odvijaju po redu vožnje.

PO OVLAŠTENJU DIREKTORA
ŠEF CENTRA
Fahrudin Pribišić

Dostavljeno:

- Predsjedavajućem Skupštine Kantona Sarajevo
- Premijeru Kantona Sarajevo
- Direktor KUCZ Kantona Sarajevo
- Komandantu i članovima Štaba CZ Kantona Sarajevo
- Federalnom operativnom centru civilne zaštite
- a/a



web: <https://kucz.ks.gov.ba>
e-mail: oc@kucz.ks.gov.ba
Tel: + 387 (0) 33 121, 556-670
Fax: + 387 (0) 33 556-671
Sarajevo, Reisa Džemaludina Čauševića 1